

大乘阿毗達磨雜集論述記卷第十九

唐京兆大慈恩寺沙門窺基撰

此下第三雙解思業思已業中。大文分七。一解律儀等三業。此中律不律儀是思已處。中通思業。第二解順三受業。第三解順現受等三業。第四解黑黑等四業。第五解三染三淨業。第六解施戒等清淨業。第七解白業等經。如世尊說。如有情皆由白業業所乖。諍下是。

復次業差別有三種。謂律儀業。不律儀業。非律儀業。非不律儀業。

初中有二。初標後釋。

不律儀者。如惡尸羅。非尸羅名。惡以尸羅清涼義。故。惡他清涼。不可儀式。名不律儀。非惡儀式也。不。同惡見推求名見。其體亦惡。清涼名尸羅。惡法非尸羅。

律儀業復有三種。謂別解脫律儀所攝。靜慮律儀所攝。無漏律儀所攝。

釋中分三。三業異故。初中復二。初列三。後釋三。

別解脫律儀所攝業者。卽是七眾所受律儀。謂苾芻律儀。苾芻尼律儀式。又摩那律儀。勤策律儀。勤策女

律儀。鄔波索迦律儀。鄔波斯迦律儀。及近住律儀。

釋中文分三。三業異故。別解脫中分二。初列七眾。後隨別釋。

以近事中卽離男女。近住總是一近事類。總顯一名。不取女爲二。永年承事名近事。暫近依止故名近住。

依止何等補特伽羅。建立出家律儀。依能修行遠離惡行。遠離欲行。由苾芻等出家五眾。乃能盡壽遠離殺生等惡行。及能遠離非梵行故。依止何等補特伽羅。建立鄔波索迦律儀。鄔波斯迦律儀。依能盡壽遠

離惡行。不遠離欲行。由彼二眾建立盡壽離欲邪行。非離非梵行故。依止何等補特伽羅建立近住律儀。依止不能遠離惡行。及不遠離欲行。是故爲彼但制日夜近住律儀。爲令漸漸俱修學故。問若唯修學。鄔波索迦一分學處。爲說成就。鄔波索迦律儀。爲說不成就耶。答應說成就而名犯戒。

隨別釋中分二。初門建立三類所因。後問答鄔波索迦戒受人寬狹。初中有三。三類異故。何故出家眾中立有差別。非在家者。出家者。法斷故。非在家。所以出家男女別說。不同在家。已出家者有餘學。

在家亦有近住。此爲別也。而出家中苾芻是二。尼立三。如五十三解。瑜伽五十三云。何故世尊建立苾芻近事。近住三種律儀。答由三因故。謂所化生有三種類。或有能行離惡行。行及離欲行。或有能行離惡行。行非離欲行。或不能行離惡行。行及離欲行。依初類立苾芻戒。卽身二語四名惡行。淫欲名欲行。一根本罪性名惡行。熟貪名欲。依第二所化立近事。此中身三語一名惡行。正姪欲名欲行。以邪是根本罪故。所名惡行。彼亦離故。何以故。非居家迫近現處。欲塵俗而能一向相續圓滿護眾。

學處依第三所化立近住。何以故。由此不能究竟行俱離行。但當勸進攝受。二因勿彼自謂重擔所鎮。謂前三支修離惡行。其後四支修離欲行。離非梵行俱修二種。以後四種謂不飲酒等。後四非爲遮性罪。但由貪欲處起。名離欲行。有解於五欲莊嚴處起。故名欲行。若依此解。離非梵行。云何名離欲行耶。今解不依性罪名離惡行。惡行性是惡。故後四遮貪欲名離欲行。離非梵行俱修二種者。以離邪欲性罪。故名修離惡行。暫時正淫亦不通。故制其貪欲名離欲行。不同出家。出家之人一切必

離若犯正邪。悉名惡行。在家許畜。但邪名性罪。正名貪欲。不是業道。今遮貪欲。但名離欲行。問。何故律儀分成三類。而但總立一不律儀。律儀難尅。漸教令圓滿。惡行易成。不依漸學。修學一分中所學一分名近事。不學者名處中。其一切犯戒失戒亦爾。近事卽有一分近住。亦爾。以類同故。出家之戒。唯四根本。可具方成。此中仍有犯重失不失二義。如常其餘三。若不持語四。亦成苾芻等四重根本。故謂近事近住無犯重捨非道器故。或說近事容有一分近住不爾。期心極近不容行故。二起前後。

問。何故律儀有持一分得名律儀。不律儀要須具受。答。不律儀惡心猛。要全律儀少分心猛。卽敵於彼。善法勝故。又但作一分猛者。亦不律儀。如律儀一分成故。卽無妨難。但以上品思發成律儀。不律儀中下成處中。其中仍各分三品。苾芻戒何故要七。由具四支。一謂受學學處。二善能防護別解脫律儀。三軌則所行皆悉圓滿。第四見微細罪生大怖畏。卽聲聞六處。由此具七。不爾不具。近事有三支。一離最勝損他支。謂身三種。二越受重修行支。謂離妄語。妄語者不能重修行故。三不越所受支。

謂離飲諸酒。飲諸酒便越所受故。近住由五支。一離損害他支。謂離殺生不與取。二離損害自他支。謂離非梵行。自他妻妾。二俱離故。三越所受重修行支。謂離妄語。其離非時食。并高牀香等塗身。三是不越所受正念住支。此三常所串習。若遠離彼。數數自憶我今安住。決定齋戒。於一切時堅守正念。第五不壞正念支。是離飲酒。彼雖安住正憶念支。謂我今住決定齋戒。若爲諸酒所醉。便發狂亂。不自在轉故。何苾芻中爲立二眾。尼眾立三。如五十三解。八戒十戒。開合增減問答亦如彼。

問扇搆半擇迦等爲遮彼受鄔波索迦律儀不耶答  
不遮彼受鄔波索迦律儀然遮彼鄔波索迦性不堪  
親近承事苾芻苾芻尼等二出家眾故如扇搆半擇  
迦不堪親近承事苾芻苾芻尼等二出家眾故遮彼  
鄔波索迦性二形亦爾男女煩惱恆俱現行不堪親  
近承事二眾故不別說又半擇迦有五種謂生便半  
擇迦嫉妬半擇迦半月半擇迦灌灑半擇迦除去半  
擇迦

半擇迦不堪事二眾中不例無形者一解亦例同  
論文略二云不例以彼無男女二過故可堪承事

有色界諸天并悉無形不遮彼受亦不失彼性故  
由此返顯無形不失大戒菩薩戒中苾芻定不失  
別受此五戒隨此分別如何擇迦不得近事此等  
眾中五十三有三釋一男女過故亦不得出家受  
具戒二性煩惱障多故極覆障故三彼好人難得  
此三義不令出家受具戒不得名近事而不應數  
親近出家眾出家眾亦不應親近摩觸彼類又亦  
不應如近事男而相親善然其所護福德無差苾  
芻戒若有六緣不應爲受謂意樂損害等若無此  
六即可爲受近事由二緣近住唯一緣如於表無

表章得捨緣中說之。扇搆迦此云無根勢。一生無也。半擇迦此云樂欲樂他於已爲過故。五中初得二名。次三唯半擇迦。非搆迦。一生中無男勢故。後一若不被他於已爲過。名扇搆迦。無根勢故。若他於已爲過。名半擇迦。有樂欲故。不同初人。彼人一生無根勢用。第五人曾有彼用。雖無其形。性勢仍在。唯起彼用故。由此不被他於已爲過。無樂欲故。不名半擇迦。不同前四人被他於已有過之時。樂欲方生故。先生不生。卽有樂欲。他於已爲過故。瑜伽說三人。此說五者。本性除去灌灑。卽彼被他於

已爲過。得不淨灌灑故。五十三鈔解不然。以嫉妬開人。返不說灌灑故。此論合嫉妬。故加灌灑。

靜慮律儀所攝業者。謂能損伏發起犯戒煩惱種子。離欲界欲者。所有遠離。離初二三靜慮欲者。所有遠離。是名靜慮律儀所攝身語業性。發起犯戒煩惱者。謂貪瞋等欲界所繫煩惱。隨煩惱。能損伏彼種子者。謂由伏對治力。損彼種子。離欲界欲者。謂由伏對治力。或多或少分離欲。或全分離欲。所有遠離者。謂從彼犯戒所得遠離性。離初二三靜慮欲者。謂由遠分對治力。令彼發起犯戒煩惱。所有種子。轉更衰損。所以不

說離第四靜慮欲者由無色界麤色無故略不建立色戒律儀

靜慮律儀斷對治唯初未至九無閒道遠分通上七根本并中間八未至初未至第九解脫道名持對治餘名遠若九品修逆次入者如四道中說斷對治持對治遠分等

無漏律儀所攝業者謂已見諦者由無漏作意力所得無漏遠離戒性

無漏律儀等如五十三說及章中解

不律儀業者謂諸不律儀者或由生彼種性中故或

由受持彼事業故所期現行彼業決定何等名爲不律儀者所謂屠羊養雞養豬捕鳥捕魚獵鹿豕兔劫盜魁膾害牛縛象立壇呪龍守獄讒搆好爲損等

不律儀中此中有十五。瑜伽第九說十二。無此中三。謂捕魚害牛獵鹿三種。無彼一種。謂斷獄。古釋云。此害牛。彼羊中攝。此魚。彼鳥中攝。獵鹿。彼兔中收。彼說斷獄。此守獄中收。所以不同。涅槃經有十六。羊豬牛雞。此四疲買肥賣爲四。買已殺爲四。卽成其八。不說此鹿兔鳥三。餘之七種同此。彼有獵師攝此三。此文旣說好爲損等。卽攝一切損水陸

生命任殺之。街賣女色以自活。殺馬殺驢以活其命。應不律儀。故知捉鹿且舉少分。未必盡也。不得和會。

屠羊者。爲欲活命。屠養買賣。如是養雞豬等。隨其所應。縛象者。恆處山林。調執野象。立壇呪龍者。習呪龍蛇。戲樂自活。讒搆者。以離閒語。毀壞他親。持用活命。或由生彼種性中。或由受持彼事業者。謂卽生彼家。若生餘家。如其次第。所期現行彼業。決定者。謂身語方便爲先。決定要期。現行彼業。是名不律儀業。

屠羊者。爲欲活命。屠養買賣。卽攝涅槃疲買肥賣。并買已殺。今更加賊言如是等者。爲欲活命。起增上思等。作此等事。悉名不律儀。故論云。隨應有行。殺不行。殺者故。縛象。買取錢。我與王取物。返。自將活命。呪龍亦爾。或將戲樂。是物自活。直爾戲。不規活命者。非。上來是殺生類。不與取類。唯有二。邪欲。類。街賣女色。強者是。讒搆中。唯言離閒。不言謔誑。是乖親。覓財物者。根本故。如作文章。綺語。規財。常以活命。故皆非。雖成業道。非不律儀。言不律儀者。於業道更取重者。亦有不律儀。非盡壽耶。既有少分。亦有不盡壽者。或必盡壽。如比丘戒。期心重者。

是餘非也。或雖少時作重故。是不律儀。有盡形非不律儀。以報心作故。不期願故。此義應思。生彼家。生餘處。如五十三及唯識樞要第一卷解。

非律儀非不律儀業者。謂住非律儀非不律儀者。所有善不善業。若布施愛語等業。若毆擊等業。律儀不律儀所不攝。故名非律儀。非不律儀。又業差別有三種。謂順樂受業。順苦受業。順不苦不樂受業。順樂受業者。謂從欲界乃至第三靜慮所有善業。順苦受業者。謂不善業。順不苦不樂受者。謂第四靜慮已上所有善業等。

三受報在地。有說欲界第六捨報命終心。有下地捨報。不許第六報心捨受。命終卽無者。如對法第一卷二說。

復次業差別有三種。謂順現法受業。順生受業。順後受業。順現法受業者。若業於現法中異熟成熟。謂從慈定起已。於彼造作。若損若益。必得現異熟。如從慈定起。從無諍定滅盡定預流果。阿羅漢果起。亦爾。又於佛爲上首僧中造善惡業。必得現異熟。又有餘猛利意樂加行所行善不善業。亦得現異熟。所以名爲現法受業。若業於此生作。卽於此生熟故。

三時業中有三。初列名次釋所以。後於此業中從初熟位等釋妨難。順現法受業中有二。初論本舉三四類。後釋論師解名所以。本疏四門分別。一。出體。大乘并思爲三業體。宜顯思差別。或五蘊四蘊。如理應準。二。釋名。總名別名。總名可知。謂取三時異熟業。別俱總稱。亦名異熟。別名者。謂順現法受業者。法謂道理。順現在道理受之業。受者異熟。其業爲能順受爲所順。卽現受之順。卽順受之業。依主釋也。以生後俱有總別異熟。不標法名。現爲別果。簡別於彼。加之法字。或舉初例中。何妨并有餘。

順生受業準。此應知。第三感總別報。以善不善。歷五趣感總別。總別之體。并顯感十二處多少勝劣。分別思之。然有不同處。如鬼畜何廢五根等。亦善業感。其人天五根等。亦有不善業招應思之。第四諸門義異。一。明世得報。因果定同異世。若諸部對之。然有差別。彼若大乘異時爲非。二。明報業成熟。不成熟。有因時有果。有果時有因。在亦對諸部論之。三。約界分別。三界身受。自他界異熟。亦對諸部。四。明得報及時。定不定事。此中應知。定不定。從何爲名。有二說。一云。依一切故。阿羅漢猶受不善業。

已轉依不受者入無餘依故。二云依未得果得果名轉依。已前可定。縱阿闍世王由對治力亦名轉依業不決定。若無勝緣轉依業決定故。故六十云預流等惡趣業皆盡等。此中應知第五業之輕重如六十卷初明輕重業相應知作不增長等亦如六十。此中順現受業初慈定等五。第六十云慈者於一切有情第一利益安樂增上意樂住起故。所以得現果何故不說悲者。舊鈔有一解。今解不然。慈與樂深。不行損時定不殺故。悲雖不殺亦廢損而不與樂。故慈勝非餘。如慈無諍等亦爾。六十云。

無諍從於一切有情將護他心住起故。重勝願智等滅定從第一寂靜涅槃樂相似聖住起故。勝一切有心定。此名因位。若在果位設不入定亦受現報。預流果初得一切不善不作律儀。故勝後有學。彼非初故。五極清淨相續究竟。謂阿羅漢及佛爲首。大比丘僧卽攝此初中第五及第二佛爲上首。等其獨覺亦在彼類。瑜伽第九有二因緣與現法果。一者欲解。二由事故。欲解有八。卽四并是善。四是不善。一顧自身不顧自身。二損惱慈悲。三憎害淨信。四棄恩知恩。此皆增上心作得現法受。以情

欲勝解二數量故得現受。非由境等。此欲解八卽是此第三。餘猛利意樂加行所行。皆通善惡故。又瑜伽說由事故亦感現成果。其法事者。五無閒及同分。五無閒者。卽現病癩被殺等事。同分者。穢母無學尼。打最後菩薩廟衢市立殺羊法。極委重親友言欺貧等。害逼惱并劫奪僧門。破壞靈廟等名。不善現業。善事者。父母無正信心犯戒慳惡慧迴令正信等。皆現法受業。此得與他增上現果能令國宅如佛國邑等乃至廣說。此事不同欲勝解二法。但事重故現等受。卽五無閒思現在先受別果。

或下段加行思非根本業。卽非無閒業。故一思多世界先受別果後受總果。亦何實現益身上總別果。後旣是分身先別後總亦無失也。六十云。有三種因起現法受。一田廣大。謂慈定等起。二思廣大。於是田等以深厚殷重清淨信心。施清淨財。三相續清淨。謂若前生於他所施衣服等物中不爲障礙亦不思量興染汗心。以無有障障彼相續。當知是名相續清淨。此三一切具足。當知定於現受定於生受及後受。與此相違起不善業亦爾。此是此論從初爲名亦是顯業通受世等。

順生受業者。若業於無閒生中異熟成熟。無閒生者。卽次此生。謂五無閒業等。能得生異熟。問。若造一無閒者。於無閒生中。可受其異熟。若造多無閒業者。於無閒生中。云何得受其異熟。答。於一生中。頓受一切所得異熟。無有過失。所以者何。若造眾多無閒業者。所感身形。最極柔輒。所感苦具。眾多猛利。由此頓受種種大苦。復有所餘善。不善業於無閒生異熟。熟者。一切皆名順生受業。順後受業者。若業於無閒生後。異熟成熟。於此業中。從初熟位。建立順現法受等名。不唯受此一位異熟。若業於此生造。卽從此生已去。

異熟成熟。說名順現法受業。若業於此生造。從無閒生已去。異熟成熟。說名順生受業。若業於此生造。度無閒生已去。異熟成熟。說名順後受業。若作是說。卽爲善順。訶怨心經。如彼經言。由無閒業。於那落迦中。數數死生。受大苦異熟。

順生受中。云復有所餘善。不善業於無閒生異熟者。一切皆順生報。卽六十云。然殺生等五緣重。一意業。增上三毒。二方便。數數思惟等。三無治不起。治心。四邪執爲勝上。五由事。謂大身害人。思業皆多生受。彼論廣說五無閒業。以三門。一出體并思。

業爲體。因殺生一虛誑語。瑜伽第八及六十有此文。然前四中父母阿羅漢卽業道。及出佛身血殺生。加行非根本業道。此乃加行定於業生。各各自望爲類重。無殺佛者。設有斷命以害爲依。加行非此。加行望殺餘命爲根故。不是業道。若爾。何故餘殺生邊相比準。何故不爾。二逆類。如前所引。瑜伽爲正穢母是殺母類。壞尼是殺尼類。打最後菩薩等。是殺阿羅漢類。其委重等中。有殺害耆舊等。是殺父同類。餘二可知。三問答分別。唯人道三天下男女見行非餘。如疏解。婆沙。俱舍。第三明受報。第

九及五十。同此初論本三時文。然第六十卷解。一業亦得現生後受果。同此下釋論文。謗般若等故。入十方獄。卽順此文。六十卷中五逆頓受一切者。且依一劫刹那頓受說故。正念經第三云。一逆一劫報。造五逆五劫報。與此同。

復次。有四種諸業差別。謂黑黑異熟業。白白異熟業。黑白黑。白異熟業。非黑白無異熟業。能盡諸業。黑黑異熟業者。謂不善業。由染汙故。不可愛異熟故。白白異熟業者。謂三界善業。不染汙故。可愛異熟故。黑白異熟業者。謂欲界繫雜業。善不善雜故。云何一

業亦善不善。此中不約生剎那相說。一種業亦善不善。然約意樂及方便總說。一業是此經意。約此二種。若黑若白互不相似。建立一種黑白業故。或有業意樂故黑。方便故白。或有業方便故黑。意樂故白。意樂故黑。方便故白者。猶如有一。爲欲誑他。先現其相。令信已故。行於惠施。乃至出家。方便故黑。意樂故白者。猶如有一。欲令子及門徒遠危處安。由憐愍心現發種種身語麤惡。遂於此時發生雜染。非黑白無異熟業。能盡諸業者。謂於加行無閒道中。諸無漏業。以加行無閒道是彼諸業斷對治故。非黑者。離煩惱垢故。

白者。一向清淨故。無異熟者。生死相違故。能盡諸業者。由無漏業力。永拔黑等。三有漏業。與異熟習氣故。黑等四業中。一出體黑黑。取十不善業中戒業。加行後起一切純不善業。此中白白業。取三界善業。黑白業。取欲界雜業。卽一意樂及方便總說。名白黑。除此以外餘意樂及方便俱白業。及色無色業。皆白白。瑜伽第九。黑黑同此。白白業者。謂不動業。雜業者。謂福業有不善業爲怨對故。由約未斷非福業時。所有福業而建立故。以此既有怨對得黑白爲名。離欲之欲界業。是彼雜種類。亦名黑白。何

故二論不同者。瑜伽六十六云。白白異熟業所得。無覆無記異熟果。一向可愛受種子所攝受故。當知一向可愛一向可意。黑黑業相違亦爾。此業總業并果悉皆可愛不可愛。故彼云黑白俱業。二種種子所隨逐。故所得異熟果。當知亦有二種異熟生受。即據二別業并果二種異熟生受。即據二別業并果二種起。此雖總說。即彼自說此雜業云。又黑白業由生類差別建立。謂於是處黑白俱有。即此處業總立黑白。此文意說。雖有意樂加行總名為白。以依生類建立為雜。今彼雜業總名為雜。以

不善隨能雜於善。以生同類純善之業。亦得雜名。不可言黑黑業。以生類同亦名為雜。非白能雜惡。故白弱。故即前瑜伽第九依生類建立。故不動業說名白白。欲界名雜。彼第二復次云。又由事差別建立。謂如有一隨於一事於一時閒起利益心而現在前。即於此事復於一時不利益心而現在前。或奪他物而行惠施。此由事差別建立。此意顯於事有雜不雜業。瑜伽據事雜故。福業名雜。對法據一事中有不雜者。所以欲界亦有白白。彼第三復次云。又由自性建立。如是黑白俱業。謂如有一隨

於一所許作利益。卽於餘事復於其所作不利益。辟如有一於作暴惡者發生瞋恚俱行之思不喜彼惡。當知此思瞋恚俱行故隨黑品中不喜樂彼惡俱行故隨白分中是故此業說名黑白卽立此中方便黑故發生瞋恚意樂白故不喜彼惡。瑜伽依此唯說白白是不動福業名雜對法顯意樂及方便俱有白者故通三界三業皆名白白。後二復次中有此差別。二論師不同。或瑜伽據初復次故一切欲業皆名爲雜對法依後二復次中有差別故欲界亦有白白。故不相違。第四非黑白業。古云

住十二思惟斷黑黑謂四諦四欲界修道初未至八無閒俱思唯斷黑。雖亦少斷緣縛未總盡故不得斷名。用四無色界根本定思能斷白白亦就盡處爲論欲界第九無閒道思能斷黑白品故。雜心云說有十二思能斷黑報業四思能斷白。一思二俱離俱舍十六云。四法忍離欲先八無閒俱。十二無漏思唯盡純黑業斷欲四靜慮第九無閒思。一盡雜純黑。四令純白盡。今依大乘九思唯斷黑。八思能斷白。一斷二或三隨應二三故。見道一品欲修道前八品無閒道思名九思斷黑。四色四無色

斷無閒道名八思斷白。若依瑜伽白白唯不動欲界第九無閒道唯斷黑黑及雜二欲界無白白故。若依此論欲界亦有白白欲界第九無閒道思能斷三種故言一斷二或三隨應三二故由隨所應通二三界故作是說。合十八思無閒道也。依此論中唯取加行無閒是諸業斷對治故。依瑜伽第九云。謂出世閒諸無漏業是先三業斷對治故。唯無閒道是斷對治故。唯十八思也。或即通解脫勝進道中。且依此論取加行有十七思以見道中無無閒加行故。并前三十五思。古云三十九思見道爲

四復添見道加行故此非正定不順義故。若取瑜伽并解脫道更加十八見道欲修九四色四無色更勝進道等隨應加之。今者此中不取解脫道以加行道亦能斷現行故。無閒道能斷種子解脫無是義。此依二乘觀斷修九品說。由二乘者速入觀斷多品解脫道亦是望前自心故。非望後品即爲加行故。以心各別起無閒解脫。故解脫道非前品解脫亦非後加行。前已總起一加行故非容加行。故論不說有。此說正能盡諸業。唯取加行無閒。若彼斷解脫道等亦是性能斷故。瑜伽說一切無漏

業菩薩見道唯一心或三心。修道十地伏金剛斷以前不斷緣縛等故。總而言之。菩薩一思唯斷黑見道也。一思通斷三。或十思通黑白以地而說故。若依頓超得二果。九思唯斷黑。見一修八。若依超得二三果等。一思通斷三。見道修道品故。釋名者。論文自解。以自性及果可愛不可愛立初二。此重言并在因。白白之異熟。異熟之業。依主也。黑白者。亦黑亦白。黑白卽黑白。黑白之異熟。異熟之業。以惡強故可名黑白。不可言白黑。以善劣故。非黑白者。唯此論解。非黑白卽無異熟業。諸業之能盡。此

非黑白等卽能盡諸業。此中以無漏非煩惱性故名非黑。以業清故稱白。瑜伽第九非黑非白。雙簡異前二業。此論遮煩惱表白淨故。合名。瑜伽唯遮爲因。然但言非黑白。卽白白業。應名非黑之白業。爲簡於彼說無異熟。恐無學身等所有有漏善業。濫爲加能盡諸業。第三依人成熟。依異生聖者。離欲未離。欲有學無學。三乘大乘等。通說現種成不成可知。此等業。或爲一見一修一故。或爲四一見三修故。或爲十一見八修三故。或爲十八。唯無間道見一修十七。或三十五。加加行道爲十七故。或

爲五十三。加十八解脫道故。或爲七十一。加十八勝進道故。此依次第得果說。若超得果不定。準義應思。此中黑白皆隨義說。

復次。總約一切無漏業。無有差別。所有障礙。隨順體性。如其次第。建立曲穢濁等諸染汙業。淨牟尼等諸清淨業。曲業者。若身語意業能障正直。八聖道支。令不生長。穢業者。若身等業能汙相續。依此發生。如是障業濁業者。若身等業依止外道顛倒見生。一切如來清淨聖教之所對治。不信混濁之所攝故。復有差別。墮在斷常邊。違處中行。義名曲。損減見所攝。增惡

清淨所立法義名穢。薩迦耶見所攝障。眞無我見。義名濁。淨業者。與如是等諸雜染業相違。類解三淨業者。謂善淨尸羅。正直見所攝身語意業。遠離毀犯戒見垢故。三牟尼業者。謂學無學。所有無漏身語意業。唯諸牟尼有此業故。

曲穢濁業如瑜伽第九鈔解大好。此中言損減見所攝。增惡清淨所立法義者。初是邪見。後是見戒。取三淨業等。亦如瑜伽第九卷鈔。與此相違等。并如彼會。

又有施等諸清淨業。施業云何。謂因緣故等起故處。

所故自體故。分別施業。因緣者。謂無貪無瞋無癡善根等起者。謂彼俱行思處所者。謂所施物。自體者。謂正行施時身語意業。云何施圓滿。謂數數施故。無偏黨施故。隨其所欲圓滿施故。施得圓滿。依此義故。經作是說。爲大施主者。此顯數數施義。由彼串習成性。數數能施故。一切沙門婆羅門等者。此顯無偏黨施義。無有差別。一切施故。若食若飲等者。此顯隨其所欲圓滿施義。如所意願。一切資財皆施與故。復次。無所依施故。廣清淨施故。極歡喜施故。數數施故。田器施故。善分布新舊施故。施得圓滿。依此義故。經作是

說。解脫捨舒手施樂。遠離常祠祀。捨具足於正施時。樂等分布。如是諸句。隨其次第。顯示無所依施等。無所依施者。謂不迴向有及資財而行惠施。田器者。謂貧苦田功德田。舒手者。廣行惠施。手不潛縮故。常祠祀者。串習祠祀以成性故。捨具足者。慧爲先故。於正施時。樂等分布者。於來求者。以所施物等分布故。云何應知施物圓滿。謂所施財物非誑詐得故。所施財物非侵他得故。所施財物非穢離垢故。所施財物清淨故。所施財物如法所引故。是名施物圓滿。依此義故。經作是說。發起正勤所得財物者。此顯施物非誑

詐得。誑詐得者。謂不起正勤而得財物。於自住處。他所寄物。謀詐得故。運手臂力所得財物者。此顯施物。非侵他得。侵他得者。非自運動手力而得。他所勤苦。種種方便獲得財物。侵凌取故。離污垢物者。此顯施物。非穢離垢。由所施物遠離污垢染汙故。如法財者。此顯施物。清淨遠離刀毒酒等。非淨施故。如法所得者。此顯施物。如法所引遠離偽斗稱等邪命財故。

又有施等諸清淨業者。下第六大段有二。初標舉將說施業云。何下別顯。第九瑜伽亦明三淨業。此中不明。修下道諦中有故。於中有二。初明施業。後

明戒業。初業中有三。一曰施業。二施滿。三施物滿。業者作用義。以四相釋。第二施圓滿中。兩復次釋。初中三故釋。後中六故釋。以經配論。唯隨次第。後釋論解中。不依次解。初二解論本難文。後四解經難文。逐難釋也。隨次第也。第三施物中五故釋。於中論本釋論。隨義應知。此上所論非菩薩地。餘是乃同。少施聲聞地同故。第八十三中亦解。

復次。如經中說。成就尸羅。善能防護。別解脫律儀軌。則所行皆悉圓滿。見微細罪。生大怖畏。於諸學處。善能受學。

戒中有二。初釋經五文。卽當第二十二聲聞地大廣好應取說之。後從是已後依尸羅等者。別釋經中戒義。初中標六句。

云何成就尸羅。能受能護淨尸羅。故謂受持淨戒相應無缺。故名成就尸羅。云何善能防護別解脫律儀。能善護持出離尸羅。故謂爲求解脫別別防護所有律儀。故名別解脫律儀。由此律儀能速出離生死苦故。

善能防護別解脫律儀者。二十二云。善護苾芻律儀等故。此中名爲能善護持出離尸羅。準此解脫者。謂涅槃或無漏勝解數。五十三云。自此以後。於毗奈耶別解脫中所有隨順苾芻尸羅。若彼所引眾多學處於彼一切防護奉行名守護別解脫律儀者。此名隨法學處支。

云何軌則所行皆悉圓滿具淨尸羅。難爲毀責故。軌則圓滿者。諸威儀等非聰慧人所訶責故。

軌則圓滿者。二十二云。於威儀路或於所作事。或於善品加行處所成就軌則。隨順世閒不越世閒。隨順毗奈耶不越毗奈耶。其曰隨順等下。皆通上三句。彼論廣解。此論言諸威儀等等所作事及其

加行。

所行圓滿者。遠離五種諸苾芻眾所不行處故。何等爲五。謂唱令家。姪女家。酤酒家。王家。旃荼羅羯恥那家。

所行圓滿者。二十二云離五種家。與此論同。五十三云。此之二種。隨護他心支。

所不行中五家。唱令家。羯恥那等。勘二十二。瑜伽鈔。

云何見微細罪生大怖畏。勇猛恭敬所學尸羅故。於遮罪中勇猛恭敬修學護持。猶如性罪。是故名爲見微細罪生大怖畏。

見微細罪生大怖畏者。二十二云。謂於少罪作如是觀。勿我於此毀犯。因緣無復。堪能得未得等。勿我由此墮惡趣等。故此論云。猶如性罪。

云何於諸學處善能受學。圓滿受學所學尸羅故。謂具足圓滿受學。學處是故名爲於諸學處善能受學。於諸學處善能受學者。瑜伽云。受戒已去。於同梵行者前一切學。隨所已受學一切故。

於諸學處善能圓滿者。二十二云。於先所受別解脫戒。白四羯磨。受具戒時。從戒師所得。聞少分學。

處體性復從軌範得聞所餘別解脫經總略宣說  
過二百五十學處皆誓當學乃至廣說故此論言  
圓滿受學所學尸羅五十三云此二隨護如所受  
學處支謂由深見怖畏及聰叡故初之一支正受  
具足次之一支已受後隨法學處次之一支隨護  
他心後之一支隨護如所受學處以前一切常應  
修學二十二爲三初之一支顯尸羅無失壞相次  
之一支顯尸羅自性相後四自性功德相次之二  
支如其所受觀他自性功德相由他觀見如是軌  
則所行圓滿未信者信信者增長等後之二支如

其所受觀自自性功德相者有獲得觀他增上功  
德相已便生自德後之四支總是自性功德相總  
爲三也又有三初一受持戒次一出離戒修由三  
學次第戒學爲先出離因故後四修習戒卽一種  
戒宣說爲六。

從是已後依止尸羅釋佛經中護身等義。

等護身等緣有聲聞大廣應守之當二十二卷等  
解此中有二初標後釋。

云何名爲防護身語由彼正解所攝持故謂如佛所  
聽往來等事必先覺察方正行故云何身語具足圓

滿終不毀犯所毀犯故。謂不違損清淨尸羅。云何身語清淨現行。由無悔等漸次修行。乃至得定爲依止。故謂依定力令犯戒垢極遠離故。云何身語極善現行。染汙尋思所不雜故。謂染汙尋思所不能雜。一向淨故。云何身語無罪現行。遠離邪願修梵行故。謂不迴向有及資財修行。梵行爲諸聖賢所稱讚故。云何身語無害現行。不輕凌他易共住故。謂不由自高凌懣於人難共住等爲損害故。云何身語隨順現行。由能隨順涅槃得故。謂能隨順得涅槃得能引聖道故。云何身語隨隱顯現行。隱善顯惡故。謂隱自功德顯

自過失。云何身語親善現行。同梵行者攝受尸羅故。謂同梵行攝受尸羅應歸趣故。云何身語應儀現行。於尊尊位離憍慢故。謂於尊長及等尊長所摧伏憍慢如應供事故。云何身語敬順現行。於尊教誨敬順受故。謂於尊語言敬順而受。離自見取故。云何身語無熱現行。遠離苦行熱惱下劣欲解故。謂離外道下劣欲解行諸苦行。不自燒然故。云何身語不惱現行。棄捨財業無悔惱故。謂由棄捨財業無有追悔。彼於後時無熱惱故。云何身語無悔現行。雖得少分不以爲喜無悔恨故。謂修善品雖得少分不生喜足離諸

悔恨盡其所能而修習故。

釋尸羅無悔。如顯揚第七云。成尸羅故無悔。無悔故生悅。生悅故心喜。心喜故身安。身安故受樂。受樂故心定。心定故觀如實。觀如實故生厭。生厭故離欲。離欲故解脫。解脫故自謂我今證解脫。我生已盡。此中但至得定。尸羅不清淨。三昧不現前。故尸羅中成熟。尸羅者。二十二云。我所受學所有學處。不虧身業。不虧語業。無缺無穿。此定但持於戒。不虧身語。此論中云。能受能護。淨尸羅故。初受後護也。五十三云。若作表白。第四羯磨及略攝受隨

麤學處。名初苾芻。具苾芻戒。故表白等能受也。略攝受麤相。諸四波羅夷等。是能護也。五十三云。受是後因也。

如世尊說。如是有情。皆由自業。業所乖諍。從業所生。依業出離。業能分判。一切有情。高下勝劣。

第七大段解業中。有二。初列六業。後別解。

云何有情。皆由自業。由自造業。而受異熟。故謂諸有情。由其自業。故名自業。自者。不與他共受。自業異熟。故名自業。云何業所乖諍。於受自業。所得異熟時。善不善業。互違諍。故謂諸有情。由業乖諍。故名業所乖

諍隨善惡業力自所受異熟愛不愛別故。問是諸有情受自作業愛不愛異熟時初從何生爲無因耶。爲因世性自在等耶。答從業所生。云何從業所生。是諸有情遠離無因惡因唯從業所生故。謂諸有情遠離無因惡因。唯由業等因緣所生。如是已說依業流轉爲明歸滅亦依諸業。是故經言依業出離。

別解中分三。初三唯流轉業。

云何依業出離。依對治業解業縛故。謂依無漏業能斷有漏業故。唯依業而得出離。

次一出離業。

云何有情高下。謂由業故於善惡趣得自體差別。云何勝劣。謂諸有情成就功德過失差別。

後二通凡聖業。

大乘阿毗達磨雜集論述記卷第十九

